

Times Today BD

সিনিয়র রিপোর্টার | জাতীয় | 16 May, 2025

ঢাকা বিশ্ববিদ্যালয়ের (ঢাবি) ছাত্রদল নেতা শাহরিয়ার আলম সাম্য হত্যাকাণ্ডে জড়িতদের গ্রেপ্তারের দাবিতে রাজধানীর শাহবাগ থানা ঘেরাও করেছেন ঢাবি শিক্ষার্থীরা। পরে পুলিশের আশ্বাসে তারা ফিরে যান।

শুক্রবার (১৬ মে) দুপুরে থানার সামনে অবস্থান নিয়ে শিক্ষার্থীরা সাম্য হত্যাকাণ্ডের খুনিদের গ্রেপ্তারে ৪৮ ঘণ্টার আল্টিমেটাম দেন।

বেলা ১২টার আগে রাজু ভাস্কর্য থেকে মিছিল নিয়ে শাহবাগ থানার সামনে আসেন শিক্ষার্থীরা। সেখানে তারা ঘেরাও কর্মসূচি পালন করেন।

শাহবাগ থানার অফিসার ইনচার্জ (ওসি) খালিদ মনসুর জানান, শিক্ষার্থীরা থানায় এসে তাদের দাবি তুলে ধরেন।

তিনি বলেন, আমরা শিক্ষার্থীদের সঙ্গে কথা বলেছি এবং বিষয়টি বুঝিয়েছি। তারা আমাদের আশ্বাস পেয়ে ফিরে গেছেন।

তিনি আরও বলেন, ঘটনায় জড়িত তিনজনকে ইতোমধ্যে গ্রেপ্তার করা হয়েছে। মামলাটি তদন্তাধীন রয়েছে, যা সবার সঙ্গে শেয়ার করা সম্ভব নয়। তবে আমরা শিক্ষার্থীদের আশ্বস্ত করেছি যে জড়িতদের গ্রেপ্তারে আমাদের কার্যক্রম চলমান রয়েছে।

© 2025 TimesToday. All Rights Reserved.

Generated on 12 June, 2025 03:24

URL: <https://timestodaybd.com/public/national/2560668918>